

CONTRIBUCION DI PRINS BERNHARDFONDS PA COLEGIO CONRADO CORONEL



ORANJESTAD(AAN)- Ayera señora Boukje de Windt, "Biebmoeder" di e Fundacion Comision di Mayoman di Colegio Conrado Coronel a ricibi for di man di Alice van Romondt, representante di Prins Bernhardsfonds Aruba, un donacion den cuadro di obtene bukinan pa e biblioteca di dicho Fundacion.

Ta asina cu e fundacion comision di Mayoman di Colegio Conrado Coronel a aserca Prins Bernhardsfonds cu e peticion pa ricibi cooperacion financiero pa haya e bukinan necesario pa nan Biblioteca. E acto di entrega di e donacion a sosode den presencia di Yvonne Wever, Cabezante di e school, Joke van Roosendaal, miembro di e fundacion, Enid Croes-de Cuba, kene a guia e pro-

jecto, Des Croes y Margaret Hage, representantenan di Prins Bernhardsfonds, Belkis Flores y Jacqueline Ras, bibliotecarianan kendenan tambe a coopera pa realizacion di e proyecto.

E Fundacion Comision di

Mayoman di Colegio Conrado Coronel ta gradici inmensamente e directiva di Prins Bernhardsfonds pa nan contribucion cu un suma substancial. Sin duda esaki lo yuda na stimula lesamento bao e alumnonan.

Diario. - (diabierna 15 september 1995). p. 46